

“Sawgeq Cunghvaz——Dieg Baiyawj Gij Cwngzgoj Cingjeix Okbanj Sawgeq Gak Minzczuz Gvangjsih” Cingqsik Hailangh

“典映中华——广西各民族古籍整理出版成果展阅区”正式开放

12 nyied 6 hauh, Swcigh Boz-vuzgvanj、Gvangjsih Siujsq Minzczuz Gujeiz Baujhu Yenzgiu Cunghsinh、Gvangjsih Minzczuz Cuzbanjse doxyaeng caez hwnq le “sawgeq Cunghvaz ——dieg baiyawj gij cwngzgoj cingjeix okbanj sawgeq gak minzczuz Gvangjsih”, caiq guh aen yizsiz biengjbaiz sam fueng doxgap hwnqguh ciemdingh.

Aen dieg baiyawj youq “Ranzsaw Ouhloz” laeng seiq laeuz Swcigh Boz-vuzgvanj. Aen de dazyinx bouxdoegsaw daj gij cwngzgoj cingjeix okbanj sawgeq roxyiuj gij lizsij gak minzczuz “sam gyau”, haivat fatyengz gij swhsiengj minzczuz doxgiet baenaj ndawde, dazyinx vunzlai gak minzczuz laeb yawjgap deng bae yawj

lizsij Cunghvaz Minzczuz, hawj sawgeq siujsq minzczuz ndaej aeu bae couq-maenh gij eiqsik caezcaemh Cunghvaz Minzczuz.

Aen dieg baiyawj geiz daih’ it hwnqguh gaenq sou le Bouxcuengh、Bouxgun、Yauzczuz、Myauzczuz、Dungczuz、Mulaucuz、Mauznanzcuz、Ginghcuz、Veizcuz、Yizcuz daengj 150 lai cungj yaek 2000 cek sawgeq. Bouxdoegsaw yawj saw hix mbouj aeu ngaenz.

(Hoz Yenzgaij/何元凯)

► Sam fueng ciemdingh.

(Vangz Yinz Vangz Yijyinh ingj)



▲ Boux guhhong gangj cihsiz yungh yw.

Fangzczwngzgangj Youq Henzguck Lwnh-gangj Cihsiz Ancienz Gwnyungh Yw

防城港开展药品安全知识边关行宣传

Bineix ndawcib 11 nyied daengz ndawcib 12 nyied dwg ndwen ancienz gwnyungh yw daengx guek. Aen Giz Gamguenj Hawciengz Fangzczwngzgangj Si bae daengz dieg minzczuz henzguck lwnh baenzlawz gwnyungh yw coh ancienz. Hozdung yinx le 300 lai vunz camgya, fat le 1000 lai faenh swhliu lwnhgangj, hawj vunzlai engq haeujsim gwn yw yungh yw.

(Liu Gaihginh/廖开军)

Fanh Boux Lwghag Nanzdanh Langhbaij Gij Gyaeundei Feihyiz

南丹万名学生展示非遗之美

12 nyied 8 hauh, Nanzdanh Yen guh aen hozdung fanh vunz langhbaij feihyiz Nanzdanh Yen bi 2023. Doengh boux lwghag cunghsiujyoz biujyienj le 《Fwen Nanzdanh》《Gyong Gujlanz Bouxcuengh》《Foux Faexsax》daengj lai yiengh cezmuz feihyiz, hawj vunzlai daejniemh yienghndei feihyiz. Hozdung youq gak yanghcin lij guh hoihciengz dem, 《Gienz Langzbing》

《Lwg Maxlaeuz Caemz Gyong》daengj buek cezmuz miz gij daegsaek Nanzdanh caemh mizyinx raeuh. Gyawj geij bi neix, Nanzdanh gaenxmaenx doidoengh youq ndaw hagdangz cienzboq caeuq cienzciep vwnzva feihyiz, saedyienh “feihyiz haeuj hagdangz” bienqbaenz “feihyiz youq hagdangz”.

(Veiz Loz/韦乐)



◀ Lwghag diuj 《Foux Aen Gyong》.

► Doengh aen gih dienhrumz youq gwnz bya sang daengj-soengz.



Lozczwngz: Dienhrumz Saekheu Coi Hwngfat

罗城：绿色风电促发展

12 nyied 7 hauh, gwnz rumz haenq, haenqrengz hwngfat dingbya Byagauhbangh、Bya-cinghmingz laeng Lozczwngz Mulaucuz Swciyen, doengh aen gih dienhrumz youq gwnzde daengjsoengz, mboujduenh fat ok dienhnaengz saekheu. Gyawj geij bi neix, Lozczwngz baengh bya sang

rumz haenq, haenqrengz hwngfat dienhrumz, menhmenh guh ok aen vunqsik moq fatdienh、lijyouz、swnghdai caez hwngfat ndeu, saedyienh henhoh swnghdai caeuq lienzdaemh hwngfat.

(Liu Gvanghfuz/廖光福 Veiz Yuzdai/韦如代 Ganh Yen/甘愿)